

la Signoria, non lassar intrar, nè habbi il titolo quelli Procuratori saranno electi se prima non exborserano li danari prometerano per imprestado over don; e questo fu fato per sier Zacaria Gabriel, qual di la promessa non ha dà *solum* ducati . . . milia, et resta a dar ducati . . . milia, et non li vol dar, dicendo vol scontar con quello dia aver da la Signoria nostra, da la qual à la corona d'oro e arzenti dil cardinal Zen in le mano, et par sia creditor di ducati . . .

Da Vicenza, fo letere dil podestà, di eri. Dil partir dil provedador Manolesso, e li cavali lizieri e Zuan Paulo Manfron con la sua compagnia è iti verso Verona a San Bonifazio.

Di Padoa, di sier Zuan Paulo Gradenigo provedador zeneral. Dil suo ritornar li, havendo ordinato quello acade a Lignago etc.

Da poi disnar, fo Gran Consejo per far il Procurator primo. Non fu il Principe, per non si risentir. Et prima fu posto la parte di far li Procuratori per li Consieri e Cai di XL, et fu presa; et eussi poi quella di far Provedadori a le biave, et fu presa; le copie sarano poste qui avanti. Et *etiam* posta, per li Cai di XL, una altra parte zercha le Quarantie, de li danari di apontadi vengi in San Marco; et fo compito di balotar tutte le voxe, e con gran caldo.

129 *Copia di la parte presa in Pregadi a dì 15 Mazo, posta per sier Francesco Falier procurator sora i danari solo, et ozi a Gran Consejo messa per li Consieri e Cai di XL.*

A chadaun de questo Consejo puol esser benissimo noto de quanto beneficio sarà al Stado nostro el far a questi tempi, in le presenti occorrentie, tre altri Procuratori de San Marco con i modi et condition che sono i presenti, et habino ad intrar un primo Procurator; sichè dove erano tre siano quatro per questa volta *tantum* a ditte Procuratie. Però l'anderà parte, che per el nostro Mazor Consejo elezer se debano, per questa volta solamente, tre altri Procuratori, zoè uno per volta et uno per Procuratia, e possino esser electi de chadaun luogo, officio e rezimento, et chadauna qualità de nobeli nostri, non obstante alcuna parte in contrario fosse, la qual per questa volta solamente sia suspesa, excepto solamente la caxada et quelli si cazano per parentado con quelli che sono in l'officio; e non se intenda presa se la non serà *etiam* presa in el dito Mazor Consejo, in el qual li Consieri sia tenuti

meterla. A di 15 in Pregadi ave: 36 di no, 118 de si. Ozi: una non sincere, 134 di no, 1420 de si; fo presa.

Electo procurator di la chiesa di San Marco, justa la parte hora presa.

— Sier Lorenzo di Prioli, fo consier, qu. sier Piero procurator, ducati 8000 e il don	826. 790
Sier Zacaria Dolfin, fo savio dil Consejo, qu. sier Andrea, ducati 5000 e il don	594.1026
Sier Lunardo Mozenigo, fo podestà a Padoa, qu. Serenissimo	722. 903
Sier Domenego Contarini, fo capitano a Padoa, qu. sier Mafio	370.1172
— Sier Marco Donado, fo consier, qu. sier Bernardo	870. 725
Sier Francesco Bragadin savio dil Consejo, qu. sier Alvise el procurator	486.1129
— Sier Zorzi Emo, fo savio dil Consejo, qu. sier Zuane el cavalier, ducati 7000 e il don, di qual portò ducati 5000 e dona ducati 3000 di quelli che sier Zuane suo fiol à imprestado contra ducati 10 milia	1005. 647
Sier Christofal Moro, fo podestà a Padoa, qu. sier Lorenzo	512.1125
Sier Stefano Contarini, fo capitano a Padoa, qu. sier Bernardo, ducati 7000	634. 895
— Sier Alvise Pixani <i>dal Bancho</i> , fo savio dil Consejo, qu. sier Zuane, qual andò a la Signoria e portò ducati 10 milia e dona il don, et non vol far alcun sconto	1183. 458
Sier Lucha Trun, fo savio dil Consejo, qu. sier Antonio.	306.1136
Sier Alvise da Molin, fo podestà a Padoa, qu. sier Nicolò, ducati 7000 e il don	804. 799
Sier Vetor Foscarini, el consier, qu. sier Alvise dotor, procurator. . .	517.1101

1539 *Rebalotadi.*

129.

† Sier Alvise Pixani *dal Bancho* fo savio dil Consejo, qu. sier Zuane 961.581